



## Publicaziuns dalla vischnaunca, jamna 41

### Lubientschas da baghegiar

L'istanza da baghegiar ha concediu suandontas lubientschas da baghegiar:

**Nr. 2021-1036.001**

Recal SA, Via dalla Stampa 8, 7180 Disentis/Mustér; midada da project: sanaziun parziala dalla Via Gonda, sanaziun dils conducts e novas colligaziuns dil scaldament lontan, parcella 963, Via Gonda, 7180 Disentis/Mustér.

**Nr. 2021-1043.000**

Simone e Josef Anton Simonet-Vescovi, Via Lucmagn 8, 7180 Disentis/Mustér; construcziun d'ina casa d'ina famiglia, parcella 1219, Gassa da Cuoz, 7180 Disentis/Mustér.

**Nr. 2021-1064.000**

Ivo Deflorin-Riedi, Via Vallars 5, 7186 Segnas; nova annexa vid igl edifeci existent nr. 323B, Via Vallars 5, 7186 Segnas.

**Nr. 2021-1067.000**

Vischnaunca Disentis/Mustér, Via Cons 2, 7180 Disentis/Mustér; indrez per retener glera e sablun, parcella 965, Via Raveras 31, 7180 Disentis/Mustér.

**Nr. 2021-1068.000**

Theodosi Sialm, Via Iert 6, 7186 Segnas; remplazzament dil scaldament electric cun ina pompa da calira e sondas geotermicas, parcella 112, Via Iert 6, 7186 Segnas.

**Nr. 2021-1069.000**

Claude Lombard, Bubenrain 22, 8852 Altendorf; niev baghetg annex – garascha e suosta, parcella 1178, Via Glaretsch 12, 7186 Segnas.

Disentis/Mustér, ils 15 d'october 2021

Uffeci da baghegiar Disentis/Mustér

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

**Nr. 2021-2093.000**

Armin Manetsch, Via America 8, 7183 Mumpé-Medel; migliurar igl access tier baghetg 486, parcelas 2500/2503, Begl/Mumpé-Medél, 7183 Mumpé-Medél.

**Nr. 2021-2090.000**

Roland Cajacob, Via Raveras 15, 7180 Disentis/Mustér; tagliar ora dus eschs e metter crappa da sulada avon casa, parcella 990, Via Raveras 15, 7180 Disentis/Mustér.

Disentis/Mustér, ils 15-10-2021

Uffeci da baghegiar Disentis/Mustér

---



## Scaldaments mobils el liber

### **Bulius da scaldar, radiaturs, radiaturs d'infratgietschen etc.**

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il Departament da construcziun, traffic e selvicultura dil Grischun relaschau suandonta disposiziun:

1. Per mintga apparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmei 14 kW sto vegnir cumpensau ina tonna CO<sub>2</sub>. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO<sub>2</sub> e per apparats cun ina prestaziun da scaldar maximala da sur 28 kW sto vegnir cumpensau treis tonnas CO<sub>2</sub> e.a.v. Silmeins 20% dall'immissiun CO<sub>2</sub> sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.
3. La cumpensaziun dall'immissiun da CO<sub>2</sub> succeda entras il possessur ni entras la vischnaunca.
4. Sch'ils possessurs cumpenseschan sezs l'immissiun da CO<sub>2</sub>, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO<sub>2</sub> (p.ex. Myclimate). Per apparats da scaldar electrici sa l'obligaziun da cumpensar l'immissiun da CO<sub>2</sub> era vegnir ademplida ademplida, sch'ei vegn applicau – per mintga tonna CO<sub>2</sub> che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.
5. Sch'ils possessurs cumpenseschan buca sezs l'immissiun da CO<sub>2</sub>, ston els cumprar tier la vischnaunca ina vignetta per mintga tonna CO<sub>2</sub> che sto vegnir cumpensada.  
Il prezi per vignetta importa **frs. 60.–**.
6. Las vischnauncas impundan igl entir recav dalla vendita da vignettas per cumpensar l'immissiun da CO<sub>2</sub>. Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas tier l'administraziun communal.

Disentis/Mustér, ils 17 da settember 2021

Administraziun communal

---



## Exposiziun publica dil project per la correcziun dil cuors d'aua

### Rempar Val Acletta, vischnaunca da Disentis/Mustér Project d'exposiziun nr. 342.3-D digl uost 2021 1. Liug e cuoz dall'exposiziun

Las actas dil project ein exponidas naven dils 15 d'october 2021 entochen ils 15 da november 2021 tier l'administraziun communal da Disentis/Mustér, Via Cons 2, 7180 Disentis/Mustér (stanza nr. 10), per prender envesta (art. 11 dalla lescha cantunala davart la correcziun dils cuors dall'aua; LCCA, DG 807.700). Duront il temps d'exposiziun san ils documents era vegnir consultai e telecargai sut [www.tiefbauamt.gr.ch](http://www.tiefbauamt.gr.ch) > Rumantsch > Actualitads.

### 2. Damondas per lubientschas specialas

Las suandontas damondas muntan ina part dil project d'exposiziun:

- damonda da permissiun per inducir ni per schar sfundrar aua piarsa tschuffa tractada tenor gl'art. 7 al. 1 dalla lescha federala davart la protecziun dallas auas;
- damonda da permissiun per projects da construcziun en secturs specialmein periclitai tenor art. 19 al. 2 dalla lescha federala davart la protecziun dallas auas; damonda da permissiun per rempars e per correcziuns d'auas currentas tenor art. 37 al. 3 dalla lescha federala davart la protecziun dallas auas;
- damonda da permissiun per construir stabiliments ch'ei dependents dil liug e che stattan en interess public enteifer il spazi d'auas tenor art. 41c al. 1 dall'ordinaziun davart la protecziun dallas auas; – damonda da runcar tenor gl'art. 5 dalla lescha federala davart gl'uaul; – damonda da permissiun tenor la legislaziun da pesca per far intervenziuns tecnicas en las auas tenor art. 8 al. 1 dalla lescha federala davart la pesca.

### 3. Restricziun dil dretg da disponer

Naven dil di che l'exposiziun ei vegnida publicada ufficialmein, basegnan ils projects da construcziun enteifer il territori cumpigliaus entras il project ina lubientscha dil Departament d'infrastructura, energia e mobilitad dil Grischun. Questa lubientscha vegn concedida, sch'il project da construcziun munta neginas consequenzas engrevontas pertuccont acquistar il terren ni per realisar il project.

## 4. Protestas

### 4.1 Legitimaziun

Tgi ch'ei pertuccaus dil project d'exposiziun e sa far valer in interess digns da vegnir protegius per abolir ni per midar quel, ha il dretg d'inoltrar protesta. Il dretg da far protesta han plinavon las vischnauncas pertuccadas e tgi ch'ei autorisau tras il dretg federal da far quei.

### 4.2 Objecziuns

Ei sa vegnir fatg valer:

- a) objecziuns encunter il project d'exposiziun ed encunter las damondas per ulteriuras permissiuns ch'ei colligadas cun quel sco era encunter in'expropriaziun previda ed encunter sia dimensiun;
- b) damondas d'indemnisaziun, en special pretensiuns pils dretgs che vegnan fatgs valer ed autras pretensiuns che resultan dil dretg cantunal d'expropriaziun. Questas damondas vegnan rectificadas suenter l'approbaziun dil project ella procedura pigl acquist da terren.

### 4.3 Termin ed adressat

Protestas ston vegnir inoltradas enteifer il temps d'exposiziun cun ina cuorta motivaziun al Departament d'infrastructura, energia e mobilitad dil Grischun, Ringstrasse 10, 7001 Cuera. Sche pretensiuns d'indemnisaziun vegnan fatgas valer posteriuromein, sto vegnir respectau las consequenzas da negligentscha tenor art. 17 dall'ordinaziun cantunala d'expropriaziun (OExp; DG 803.110).

Departament d'infrastructura, energia e mobilitad dil Grischun

Il cau: Dr. Mario Cavigelli, president dalla Regenza



**Adatg!**

**Surpassadi Raviul sut Segnas ed ulteriurs surpassadis cun in scamond giudizial dalla Viafier Matterhorn Gottard (MGB)**

Stimadas convischinas, prezias convischins

Tiel surpassadi da viafier a Raviul, Segnas, setracta ei d'in passadi cun in scamond giudizial da carrar. Consequentamein astgan mo las personas che possedan ina legitimaziun da carrar dalla viafier far diever dil surpassadi. Per tuttas ulteriuras personas exista in scamond da carrar. En cass d'accidents ni incaps sorprendan la vischnaunca Disentis/Mustér sco era la Viafier Matterhorn Gottard negina responsabladad. Vegn il scamond buc observaus, ei la MGB legitimada da purtar plogn. Personas che san far valer in dretg legitim da carrar sur in surpassadi cun in scamond giudizial ein supplicadas da contactar la MGB a Brig per far valer ina legitimaziun da carrar:

Matterhorn Gotthard Infrastruktur AG, Caum postal 80, 3900 Brig Persuna da contact: Jürgen Ruppen (tel. 0848 642 442 ni [railcenter@mgbahn.ch](mailto:railcenter@mgbahn.ch))

Bien engraziament per Voss'enconuschientscha e Vies risguard.

*Uffeci da baghegiar ed infrastruttura*

---

**Controlla da habitonts**

**Mortoris**

Silvia Cavegn-Sac, naschida ils 8 d'october 1940, morta ils 7 d'october 2021.

Maria Theresia Calanchina-Hosang, naschida ils 20 d'october 1947, morta ils 10 d'october 2021.

---

**Fiera silla piazza dil «Catrina Resort»**

Las Pencilaras Mustér SA organiseschan ina fiera sillapiazza dil «Catrina Resort».

**Ils 28 da december 2021** dallas 14.00–19.00

Haveis Vus interess da vender Vos products? Lu s'annunziei **entochen ils 12 da november 2021** per e-mail tier [e.bundi@catrina.swiss](mailto:e.bundi@catrina.swiss).

Per damondas stat Erna Bundi bugen a disposiziun, 081 920 30 40.

Nus selegrein sin Vossa participaziun.

---

**«Bliib fit – mach mit!»**

**L'emissiun «Bliib fit – mach mit!» ha puspei entschiet!**

«Bliib fit – mach mit!» animescha senioras e seniors da semuentar a casa duront il temps d'unviern. Muort gronda popularitad vegn la seria da niev mussada sin SRF 1 mintgamai gliendisdis, mesjamna e venderdis allas 9.00 per la stagiun d'unviern.

**Die Sendung «Bliib fit – mach mit!» wird wieder ausgestrahlt!**

Seniorinnen und Senioren werden animiert, sich trotz der kälteren Jahreszeit regelmässig zu bewegen. Die Sendung wird aufgrund der grossen Beliebtheit neu von SRF 1 ausgestrahlt, jeweils Montag, Mittwoch und Freitag um 9.00 Uhr für die Wintersaison.

Jris Lombris, geraua da sanadad

---



**Uniun samaritana Mustér** L'acziun da spender saung per donaturas e donaturs dallas vischnauncas da Medel e Mustér ha liug **gliendisdis, ils 25 d'october 2021** dallas 18.00–20.00 en halla Cons. Las donaturas ed ils donaturs sco era il personal han da setener vid las prescripziuns da segirtad, aschia che tuts ein obligai da purtar ina mascrina.

Nus engraziein grondamein per quei bien survetsch en favur da malsauns e disgraziai e sperein sin ina stedia participaziun.

---

### **Finiastras d'Advent**

Era uonn vullessen nus bugen crear ina bial'atmosfera d'Advent a Segnas. Perquei envidein in/a e scadin/a d'arver ina finiastra d'Advent. Tut las finiastras vegnan presentadas naven dall'emprema dumengia d'Advent (28-11-2021) entochen il di dils Treis Sogns Retgs (6-1-2022). Tgi che ha plascher d'ornar ina finiastra duei far schi bien e s'annunziar entochen ils 31 d'october 2021 tier Helen Lutz, 079 565 06 35, ni tier Judith Cathomen, 076 588 19 81.

Nus selegrein sin biaras annunzias e giavischein a tuts in bi temps.

Salids cordials Helen e Judith

---